

貧吟齋自選詩稿

何孟淳

一九八四年二月

前 言

过去有一句诗：“贪吟自己诗”。

我明知自己所作并不高明，甚至不算得是“诗”，但总是不自量地爱哼几句。因此，把这本集子题为《贪吟斋自选诗稿》。

“法不孤生，杖境乃生”。因为三十多年来，生活圈子太小，只能写些自己小圈子里面的生活和感情。至于有几首歌颂人物的诗，也确实发乎心声，究与“庙堂文学”有无区别，则未敢自评。四十岁以前所作，多已遗忘，且信黄仲则所说：“少之所作，稍长辄悔”，故此没有收辑。

我的律诗有些韵脚破格，如一东二冬、四

支五微……混用，虽古今人士已有先例，但仍希“大雅之士”见宥。

打印这本诗稿，并没有“藏之名山，传之异代”的企图，只不过是应几个朋友的诚挚劝嘱，把三十多年来所作粗筛了一下，打印了几十本，分赠知友作为纪念，并以自娱。

何孟淳识 1984年2月 日

自 题 《 残 梦 楼 诗 稿 》

学诗岂为以诗鸣，
费尽精神老未成。
百十首诗原下里，
二三知友感同声。
不求诗胆有奇气，
但乞词心易近情。
漫笑诗中多梦境，
生涯如梦梦分明。

汪：拙作原命名为《残梦楼诗稿》，后易为《贫吟斋自选诗稿》。

一九六四年冬四妹寄来《毛主席诗词》

读 后 恭 题

天人地籁并兼之，诗到斯篇仰止时。唐宋
千家皆俯首，国风三百尽披靡。

不是还乡唱大风，更非横槊赋雕虫。瑰篇
尽注生民意，劈出新天见大同。

天姿圣武古今空，信是吟情迥不同。合向
昆仑山顶唱，五洲万国听雄风。

欣 闻 邓 副 主 席 复 职

诚知美玉能经火，信是真材辨不难。漫尽
乌云终破晓，金轮又见起东山。

弥天正气震风雷，满地苍生待雨来。九万
万人齐仰望，云麾重插古燕台。

瞻谒翠亨村中山先生故居

百年酸树化虬龙，圣泽长沾万类中。郭倚高山无厌土，村连大海见包容。千秋勋业谁能拟，万国衣冠自肃躬。“天下为公”公所志，于今天下已为公。

注：先生手植酸子树已达百年，倒而复活，横卧如龙。

是日适见众多外宾瞻谒敬礼。

感 颂 六 首

读党的十二大《开幕词》

回天力挽百川东，登席斯民水火中。绝学独能传马圣，雄才谁谓逊唐宗。哲言实践求真理，与党欢从见至公。“七大”以来“十二大”，里程同记万年功。

一自甘霖降九天，苍生无限乐田园。中兴事业超光武，南伐刁邻胜马援。论世论人评月旦，整风整党杜污源。新枝老干青黄接，天下归心吐哺间。

导乎先路骋骅骝，全会三中决上筹。惟见心珠存社稷，未尝异己论恩仇。协商制宪扬民主，清案平冤胜纵囚。秋色春风天下共，郑歌棠詠满神州。

名位从来不在乎，高风卓绝见英谟。绛侯许国谦辞相，尧帝为公揖让虞。社会创新成特色，与民更始共匡扶。城乡到处情如火，销毁前朝郑侠图。

四方风动仰云旌，扭转乾坤岂不惊。自是诚能降鬼域，深知信可达人情。第三世界亲盟友，十亿神州振汉声。无限江山终一统，宏图

四化指期成。

圣之时者谓斯人，局面宏开日又新。审取西方崇物质，不忘中土重精神。目瞻万里须前看，桃植千株启后尘。绝顶高峰惟仰止，几回翘首望燕京。

读《邓小平文选》

一卷深微万理存，概言实践是其根。天将以此为钟铎，重振党魂与国魂。

导民十亿度金针，真可为天地立心。撷取马恩精魄处，陶镕《毛选》一炉金。

四十生日三首

此日偏多忆往年，羁魂犹绕五湖烟。信知

山海终无恙，欲记鸿泥已惘然。岂效坡翁师抱朴，所哀杜老梦青莲。从头翻悔终何补，不乞人怜不自怜。

彭寿颜殇亦化灰，浮生一刹我何哀。珠遗沧海情能已？酒醒扬州梦不回。天小怡然蛙坐井，地偏难见雁书来。生平万事思量处，莫再多情自怨猜。

了无长物笑今朝，顿忆生来本赤条。幸结新朋鱼得水，难寻旧梦燕惊颼。聊抒幽意诗三首，托此冰心水一瓢。对影灯前来自祝，但祈无病便逍遥。

哭大哥

新秋残夜雨丝丝，关塞魂来噩梦迷。探狱三番深顾我，卧床一病竟无医。忧贫其奈还怜

幼，寄女何堪再哭妻。纵使生还来一慁，难抒
沧海万重悲！

中 秋 二 首

满天风露入清愁，又是蟾^圆八月秋。无酒
今宵惟对影，故园何处只低头。万家仰望同天
地，百种情怀异九州。我欲乘风无羽翼，广寒
漠漠夜悠悠。

欲向嫦娥论结交，多情空自立中宵。寒蝉
未蛻声难噤，倦鹊安填恨海桥？异地偏逢三五
夜，问天无语九重高。吴刚弄斧应翻悔，墜入
红尘劫自招。

除 夕 三 首

漫从逝者叹如斯，来日悠悠倘可知。只恐

河清人不寿，长思天远雁归迟。一年佳节虽无酒，百结吟肠尚有诗。自是别般天地在，世情深隔草簾垂。

三十六旬苦不闲，得闲翻觉贻忧端。千家都惜流光易，一己偏嫌岁月难。时至穷荒春尚远，床邻炉火夜仍寒。凄然不作无亲叹，犹有残灯影未单。

风寒灯淡夜迟迟，相对人多笑语稀。清水半瓯供浅酌，香烟一卷系孤思。薄餐却喜劳而食，破袄宁嫌卒岁衣。韩愈送穷吾送罪，可能岁晓听金鸡？

四妹寄来《杜甫诗选》写此二绝

深知癖性耽佳句，贻我新刊杜老诗。寒夜灯前来抚卷，吟情万斛尽离思。

十二年间长岁月，九千里外远离情。每看
塞北飘残雪，却忆天南柳絮清。

誌见三首（与庆元相会）

眼前明见眼前疑，疑是三生石上期。喜极
翻难形于色，悄然相对欲沾衣。人间重见原非
望，天意安排似可知。要起史公挥绝笔，千秋
点染此传奇。

别时风雪满关山，相见春风雪渐残。欲进
万言成顿塞，但传一语问平安。漫期南国烹茶
约，且共西窗剪烛欢。细嚼八年离合味，此中
佳味半甜酸。

异地终牵异客伤，云山珠海梦迷茫。金鸡
唱晓新辰近，白马盟心古意长。圆月当头能有

几？浮云行脚总无常。但祈来日重相会，不是它乡是故乡。

詠别三首（与庆元相别）

今宵不是寻常别，不作寻常怨别离。微有欢颜双涕忍，若无情处两心知。前尘幻幻皆成梦，后约茫茫岂可期。且喜旧梁巢尚在，故园重见燕棲迟。

似此光阴不值钱，十年回首杳如烟。天南曾共师皮匠，塞北还同学种田。槛内黄昏邀月坐，陇头午倦枕鋤眠。若闲若苦情难辨，留忆它年定惘然！

相见春寒别岁寒，一年未纵片时欢。寻来奇句欣同赏，每得家书喜共看。夜雨土床盘足

语，晚凉小院对花餐。从今此景空余影，斜日横云望远峦。

癸卯生日二首

万古荒天一石遗，墜来尘海又无为。行年四纪人仍惑，勒马悬崖事已迟。多梦却欢回往事，达观谁解寓深悲。欲从索句忘尘虑，偏呕心肝李贺诗！

万千啼笑总讥诃，作茧春蚕自^网网罗。寸有长时尺有短，情更深处恨更多。菩提放谢终非树，沧浪浊清亦逝波。不用长生求妙诀，秦皇汉武孰云何？！

除夕示邹子二首

难得今宵客梦闲，浑沦不自作南冠。十年

强忍思乡泪，一夕还从世俗欢。心醉岂嫌茶当酒，情温真觉夜难寒。遥知庾岭梅花发，一例冰心耐岁残。

百劫身心意转闲，^萧疏华发不冲冠。棋临残局方廻味，语到狂言始尽欢。芦席熏烟诗梦暖，草簾垂隔塞风寒。光阴百代皆行客，休向今宵惜岁残。

岁朝示邹子五首

又在天涯遇岁辰，八方异客自相亲。烹茶当酒难为巧，扎纸成花且算春。唤雪呼霜来献瑞，画梅写竹见精神。诚知万事难如意，颓笔依然要试新。

众手亲烹水饺香，年功辛苦岂能忘。今朝

已遂朝朝盼，明日还担日日忙。莫把寸阴稍纵
逝，宜将尺素写情长。何时掬尽思亲泪，化作
屠酥醉故乡。

枯枝沾雪似梅魂，彷彿春光到塞门。春象
何曾真到眼，童心依旧梦留痕。盘羹任取无宾
主，萍水相逢若仲昆。拟把伦情添一种，此情
难为外人云。

今朝四体尽投闲，惟有吟魂苦未安。纸上
卿云笼紫曙，笔端花果荐椒盘。乌临淑气倾情
唱，琴遇知音不倦弹。天下若无邹氏在，何郎
何用呕心肝。

桃符迎岁梦如尘，薑桂添龄味益辛。且饱
今朝三碗饭，浑忘此是百年身。黑河漫搵它乡
泪，绿萼还期故里春。我在岭南君岭北，折梅

来认旧时人。

五十生日自嘲打油三首

四十赋诗事又陈，依然懵懂一痴人。狗牵
上蔡空成幻，麋死临江怨作亲。痛痒相关身上
虱，心花不谢梦中春。三餐饭碗真成铁，何用
祈天眷此身。

无端生日近中秋，西北风高咽满喉。孤性
自宜居绝域，冰心真可御寒流。有情明月来供
饼，无酒称觞自打油。五十年间啥样子？误人
自误烂羊头！

来到人间事可嗟，每逢此日当冤家。少迷
歧路曾随虎，老学丹青尽画蛇。穷索枯肠平仄
仄，苦搔斑鬓一些些。吟成犹自高声唱，不怕